

DIARIO den Carnaval 63



Decreto Prins Milk y Pancho Shake

Carnaval 63

ORANJESTAD (AAN)- For di Prins Milk y Pancho Shake DIARIO a haya nan decreto carnavalesco pa publica pa e lectornan. Prins Milk y Pancho Shake a lesa nan decreto Diadomingo ultimo ora nan a haya e mando carnavalesco for di Promer Minister Eman. E decreto ta bisa lo siguiente: "Bondia na tur carnavalista presente.

Na tur representante di SMAC.

Nos Famianan, Amistad, Girlfriend, BoyFriend, By-Side, On - The - Side y All - The - Sides !!!!!

Bon bini na e traspaso total y real di mando.

Ami Prins Milk y ami Pancho Shake a bin awe cu nos decreto pa "Shake Some Trees" y "Rattle Some cages" den Carnaval 63, unda cu ta nos monarcnan ta esunnan mes mes cu ta bin na cabes !!!

Prins Milk, Rey absoluto di Siribina, Conde di Sta. Cruz, X-Presidente di Sero Blanco y

Pancho Shake, Magnate di Sta. Cruz, Sjeik di Sero Blanco y Lord di Siribana ta presenta NOS MANDATO IMEDIATO:

#1: Desde awe 12 di Februari 2017, hunto cu tur e otro monarcnan di Caranaval 63, nos ta bin na cabez pa asina tuma liderazgo total den Gobernacion.

Di e manera aki caba For Once And For All cu loke ainda falta. Nos ta akinan pa traha. Sin yora, sin keha, sin snik, sin bula cura, sin traha mezcla straño sin sa si por mas.

#2: Nos Prome Mi-Niester (Ha-Chuuu), Mi-Ke E-Man ta wordo poni ariba vacacion mandatario. E lo goza di esaki den Hotel Minus 5-Strea pabou di Corsow cu ocean view pa lama.

#3: Tur Parlamentario lo ricibi les mandatorio gratuito di Do-Yoo Knock U Out, pa asina haya un speed-Cursus lihe lihe di self defense den



defensa propio. Asina nan por siña para defende nan mes di golpinan di sorpresa cu por cai durante reunion y stop di core manera gay Djo-Go-Go den circo..... ay sorry.....Sala di Parlamento.

#4. Lo regala tur e artistanan creador di corona pa Prins y Pancho un balansa pa nan pisa e coronanan prome cu extende esakinan na e monarcnan. Di e manera aki lo preveni cu nos ta haya hernia na nos wervelnan C1 te cu C7. Nan mester entrega e modelo di corona cu un kwartaal di anticipacion pa asina evita cu dia di coronacion nos mester keda cana rond manera toad di Mario Bros y Mega Mind.

#5. Nos Minister di Husticia lo ricibi un container di vergrootglas pa asina vigila nos costa banda di pazuid pa evita entrada non-Grata. E lo mester para firmee y bisanan: No Por MAS!!!

Ariba su dianan liber e lo mester val -in como secularity guald bou di klechi (undercover) na tul supelmalket di Aluba y flustla tul tul atlaco.

#6. Control di bebida: Pa evita cu nos artistanan por kibra bar y keda manera Ronda Rousey despues di dal 2 drinks, cada cantante lo ricibi e maximo di 1-ticket pa bebida durante cada parada. Lo instala un alco-blow na cada microfoon di tur banda.

#7. Pa stop e yoradera constante na radio pa bida, Minister di Transporte y Comunicacion lo keda encarga cu screening di

cada yamada pa e radio, 24 ora prome cu e programa. E presentadornan di programan carnavalesco lo ricibi un sponsorship gratis pa curso di Abogado y Huez.

#8.

Ministro Social y Ministro Famia cu lo keda encarga cu e cuido y supervision di tuur nos chikitinnan durante tuur evento carnavalesco, na e siguiente shelternan. Pajaro Grandi, Dodo-Debbie, Seda y Catuna.

Asina tuur mayor por gosa carnaval bay off, sin mester carga cabez cu nan yiunan.

#9

Pa engrandece e participacion di tanto alumno como educadornan na nos dushi carnaval, ta introduci verkorte lesuren. Tur scol lo cera tur diabierna mainta 8:30 y ariba dialuna nan lo cuminsa duna les di 11:30 di mainta pa 12:30 di

merdia. Esaki lo ta vigente te cu 24 di februari 2017.

Asina aki ta evita cu tanto e studiantenan como e educadornan ta cana rond manera flie sin rabo na scol.

#10. Ya cu nos ta na caminda pa eleccion e aña aki, tur entrada di B.B.O., B.A.Z.V. y A.O.W. lo bay pa paga curso di actuacion y comedia pa tur nos politiconan.

Entrada di impuesto ariba tur tipo di vehiculo, lo bay pa cubri gasto di extra driving class pa tur parlamentario. Esaki ta pa evita cualkier incidente di hit & run ariba nos careteranan.

Por ultimo,

Seis candidata pa eleccion di Reina di Carnaval scolnan Mavo di Sanicolas

ORANJESTAD(AAN)-- Dia 17 di februari 2017, ta ser teni pa prome biaha e evento "Reina di Carnaval Mavo scholen Sanicolas 2017". Tanto Filomena College Mavo y St. Augustinus College a uni forsa y elige cada un tres representante pa competi den e dicho evento di carnaval 2017.

Esaki lo bay tuma lugar dia 17 februari 2017 di 6:00 pa 10:30 den Centro di Bario Brazil.

MC lo ta Addonsito Croes E 6 candidatanan compitiendo ta: 1) Nicoll Acosta, 2) Lakeisha Oosterwolde, 3) Yulene Dirksz 4) Alyza Arends, 5) Esmeralda Dunlock y 6) Naomy Henriquez. Un y tur ta ser invita pa presencia e evento carnavalesco aki, diabierna awo pa 6:00 den CB Brazil. Tickets ta obtenibel na tur dos scol y participantenan.

